



साःगु भिंगु मरिचरिया तिति लुमका दिसँ !

लक्ष्मण गजाल 'चिलिमि' प्रोप्राइटर

लाखा छै
LAKHA CHHEN

सोहखुटे, वडा नं. १६, येँ, फोन नं.: ४५६०७५८

थुकि दुने



विकास व सकारात्मक सोच डी.आर. खड्गी - २



सु-संस्कृतिया म्हपूजा सर्वज्ञरत्न वज्राचार्य - ३



भवखा ब्वइ बलय हाःहाः धकाः छाया हालिइ ?

पन्नारत्न महर्जन - ६



नेपाल संवत् ११४४ न्हूदँया लसताय हलिं न्यंक जगू थीथी ज्याइवः ४ - ५

न्हूदँया सांस्कृतिक ज्याइवः मनपां पन बसन्तपुरया थासय् दमकल न्ह्यःने ज्याइवः

थःपिन्सं न्हापानिसें थीथी सांस्कृतिक ज्याइवः यानावयागुलिइ आः संस्कृति हनेत नं येँ महानगरपालिकाया अनुमति माःगु जुलला धकाः नेवाःतयसं विरोधया सः थ्वय्केवं सांस्कृतिक ज्याइवःयात छुं नं पंगः मजुइगु, बरु राजनीतिक कार्यक्रम जक याय् मदइगु धकाः नं येँ महानगरपालिकां थःगु खँ पितब्यूगु खः । व ल्याखं न्हूदँया समारोह छुं राजनीतिक कार्यक्रम ला पक्कां हे मखु ।

लहना संवाददाता

न्हूदँ नेपाल सम्वत ११४४ नं न्त्याय्धुकल । दँयदसं थें थुगुसी नं भःभः धाय्क, हर्षोल्लासलिसें न्हूदँयात सकसिनं लसकुस यात । वंगु कछलाथ्व पारुया दिनस 'भिन्तुना दु भिन्तुना, न्हूगु दँया भिन्तुना', 'नेपाल सम्वत राष्ट्रिय सम्वत' या नारा थ्वय्काः भिन्तुना च्याली वनाः न्हूगु दँयात लसकुस याय्गु ज्या नं जुल । येँ, यल, ख्वपय् थःथःगु कथं न्हूदँया समारोह नं जुल । स्वनिगःलिसें नेवाःत च्चनावःगु मोफसलया थीथी थासय् नं थीथी ज्याइवः यानाः, थीथी कथं न्हूदँया उत्सव हनेगु याः । अथेसां न्हूदँ धयाकथं येँ, वसन्तपुरया समारोहयात विशेष रुपं स्वय्युगु याः । थ्व हे वसन्तपुरलिइ न्हूदँया समारोह धाःसा दँयदसं थें थुगुसी मजुल । दँयदसं धइथें वसन्तपुरया दबुलिइ जुयावःगु समारोह थुगुसी दबुलिइ मयाःसैं दमकल न्ह्यःने याय्यकल । थ्व खँय् धाःसा यक्वसिया लुमधंगु खनेदत । न्हापानिसें वसन्तपुरया दबुलिइ हे ज्याइवः जुयावःगुलिइ थुगुसी छाया मेथाय् याःवनेमाःगु धकाः यक्वसिनं



कुखिंगु हे ताय्दत । येँ महानगरपालिकां दबुलिइ ज्याइवः याय्त अनुमति मब्यूगुलिं अन मयाःसे दमकल न्ह्यःने याःवंगु धइगु हुइनाभुइना न्येनेदु । यद्यपि थ्व विषयस आधिकारीक धापू धाःसा सार्वजनिक मजुनि । छुं दिं न्ह्यः येँ महानगरपालिकापाखें वसन्तपुरया दबुलिइ छुं नं ज्याइवः याकेमवीगु धकाः सुचं सार्वजनिक याःगु खः । वयां लिपा विशेष यानाः नेवाः समुदाय थुकिया विरोध यात । थःपिन्सं न्हापानिसें थीथी सांस्कृतिक ज्याइवः यानावयागुलिइ आः संस्कृति हनेत नं

स्थिति खनेदु । यदि येँ महानगरपालिकां अनुमति मब्यूगु हे खःसा छाया नेवाःतय् न्हूदँया समारोहयात स्थानीय सरकार पन धइगु न्ह्यःसः नं पक्कां हे दनि । व हे न्हूदँया समारोहय् येँ महानगरपालिका प्रमुख बालेन साह वयाः नेपाल सम्वतयात नेपाःया सरकारी ज्याखँय् छ्यलीगु आधिकारीक सम्वत दय्केमाः, राष्ट्रिय सम्वत कथं हे थ्वयात छ्यलायंकेमाः धकाः न्ववानाः नेवाःतय् नुगः त्याकूगु दुसा व हे बालेन साह व हे नेपाल सम्वतया न्हूदँया समारोहयात न्हापा यानावःथाय् याकेमब्यू छाया धइगु न्ह्यःसः नं दनी । उलि जक मखु, न्हापा नेपाल सम्वतयात राज्य बेवास्ता याःगुया हे विरोध कथं न्हूदँया च्याली व सभा याय्गु ज्या न्ह्याःगु खः । थीया दिनय् नं नेपाल सम्वतयात राष्ट्रिय मान्यता बीकेगुनिसें सरकारी ज्याखँय् छयेय्केवीगु नितिं न्हूदँया च्याली व समारोहयात व हे आन्दोलनया निरन्तरता कथं हे न्ह्याकातःगु दनि । ल्यं ७ पेजय्

'हलिं नेवाः पौ' प्रकाशन



वर्ल्ड नेवाः अर्गनाइजेशन नेपाः च्याप्टर खवाःपौ कथं 'हलिं नेवाः पौ' प्रकाशन याःगु दु । नेपाल संवत् ११४४ या लसताय् भिन्तुना कालबिलं नाप उगु 'हलिं नेवाः पौ'या बिमोचन न जगू दु । वर्ल्ड नेवाः अर्गनाइजेशन नेपाः च्याप्टरया नायः सुरेन्द्रभक्त श्रेष्ठया सभाध्यक्षताय् जुगु उगु ज्याभ्वलय् मूपाहाँ कथं बागमती प्रदेशया उद्योग वाणिज्य भूमी लिसे प्रशासन मन्त्री रामकृष्ण चित्रकार भायादीगु खः ।

मूपाहाँ मन्त्री चित्रकार नेवाः समुदाय न हनिइगु नखः चखः छु कथं हे जुइमागुलि बःबियादीगु खः । हलिं नेवाः पौ प्रकाशनया कजि उत्तमकुमार श्रेष्ठ वर्ल्ड नेवाः अर्गनाइजेशन व अकिइ दुथ्याःगु मेमेगु देशया शाखाय् जुइगु गतिविधियात दुथ्याका नेवाः समाज तक थ्यकिइगु आज्जु कथं थुगु पौ पिकाइगु खः धका धयादीगु खः । नेपाल संवत् न्हूदँ राष्ट्रिय समारोह समिति-११४४ या अध्यक्ष ल्यं ७ पेजय्

Trendiest Fashion At Price You Love

ufo the clothing store

Binod Maharjan 9841369552, 9808644666

बि.आर्ट्स

B. Arts

Nayabazar, Kirtipur 4335491, b.arts4335491@hotmail.com

- * Banner, Flex Board
- * Glow Sign Board
- * Sticker Cutting / Printing
- * Screens/ Rubber Print
- * Self-ink/ Rubber Stamp
- * PVC(ID) Visiting Card
- & all kinds of press works



नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्टयलं भी फुक्कं हे छम्ह जुइ धुन भीगु लागाय् भी स्वयं हे जः जुया धुन लुइ धुन ह्यांगु भुमिइ अष्टमण्डल ह्यांगु चाः दुने थी नगु भीगु नेवाः ध्वाँय् थ्व हे खः ज्यान भी सकस्यां छगू जातितय् स्वायत्त राज्य लुइ कर्प च्वय् भिक्लिमिलिं राष्ट्र भःभः धाय्क न्ह्याके भीगु चःतिं भीगु हिं

विकास व सकारात्मक सोच



डि.आर. श्रेष्ठ

विश्वया इतिहासं क्यनाच्वंगु दु कि स्वंगू प्रतिशत मनुखं ग्वीन्हय्गु प्रतिशत मनूयात शासन यानाच्वंगु दु । स्वंगू प्रतिशतया अर्थ कार्यपालिका, न्यायपालिका व व्यवस्थापिका थ्व स्वंगू अंगय् दुने लानाच्वीपं पुलिस, सेना व कर्मचारीत खः । अभ्र राजनैतिक नेतातय्यु ल्याः अति हे म्हो जक खःसा देशया सर्वेसर्वा पार्टीया नेतात जुयाच्वंगु दु । पार्टीया नेतातय्यु मुख्य ज्या धइगु थौंकन्हय् दुवालाः स्वय्यु खःसा थःगु स्वार्थ पूर्वकाः जनतातय्त्त ध्वं लाय्गु ज्या यानाच्वंगु खनेदु । मेगुकथं धाय्गु खःसा देशया सम्पत्तिया दुरुपयोग यानाच्वंगु खनेदु, गुकिं यानाः जनतातय्सं दुःख फय्मालाच्वंगु दु ।

थ्व संसारय् भिंम्ह, बांलाःम्ह, सक्षम, योग्य देशभक्त शासकत म्हो जक हे दइगु जुयाच्वन । भिंम्ह शासकयात देशय् शासन याय्गु ह्वःताः वल धाःसा व शासकं चमत्कारी दंगं देय्यात प्रगतिया लँपुइ यंकाः जनतायात नं शक्तिशाली व समृद्धि

क्षमतावान् ७० लख सेना तयार याय्त्त सफल जुल ।

मेगु छगू राष्ट्र सिङ्गापुरया नेता ली क्वान नं तसकं कमजोर देय्यात शक्तिशाली नापनापं धनि देय् दय्काः क्यनाबिल । जब ईण्डोनेशियाया संघपाखें सिङ्गापुर अलग जुल । व इलय् सिङ्गापुरया अवस्था अति कमजोर जुयाच्वंगु खः । सिङ्गापुरय् न प्राकृतिक श्रोत साधन दु, न सेना न कर्मचारी दु । संघपाखें

तकं तयाबिल । तर ली क्वान भचा हे विचलित मजू ।

अमेरिका व सिङ्गापुरया घटनां प्रष्ट यानाब्यूगु दु कि यदि सकारात्मक सोचया नापनापं इच्छा शक्ति, निर्णय याय्यु क्षमता व दूरदृष्टि दुपिं नेतातय्सं देशयात न्ह्यागु थेंजाःगु परिस्थितिइ नं विकास याना क्यना बीफूगु जक मखु, विश्वया हे शक्तिशाली व सम्पन्न देश तकं दय्का बीफु । तर मभिंम्ह शासकया ल्हाती सत्ता वल धाःसा



सिङ्गापुर अलग जुइसात कि नेता ली क्वानं अति भावुक जुयाः जनताया नामं सम्बोधन याय्यु ज्या जुल । उगु इलय् वय्कलं चीधंगु कमजोर राष्ट्रयात गथे यानाः विकास याय्यु धकाः भावुक जुयायः न्यनादीगु खः । ली क्वानं बिचाः यात, जब सुरक्षा व्यवस्थाया नापनापं कर्मचारीतन्त्र व न्याय सुशासन यात, देशभक्ति भाव

देय् व जनताया अवस्था तसकं हे खराब जुइ । थजाःगु हे अवस्था भीगु देशं फय्मालाच्वंगु दु । तर देय् खराब अवस्थाय् लानाच्वीपं नं शासक अथवा नेतात अले वया नापं च्वीपं धाःसा सम्पन्न जुजुं वनाच्वंगु दु । थथे जुगुया हुनिं धइगु देश व जनताया नितिं मखु, थःगु स्वार्थया नितिं न्ह्यात्थें जाःगु निर्णय याय्यु नं लिमचिलीगु खः ।

ली क्वानं बिचाः यात, जब सुरक्षा व्यवस्थाया नापनापं कर्मचारीतन्त्र व न्याय सुशासन यात, देशभक्ति भाव ज्वनाः कडा परिश्रम याना वयने फइमखु, देय्या अवस्था भन्भन् खराब जुजुं वनी ।



यानाबीगु यक्व हे उदाहरणत दु । गथे कि सन् १९४० तक अमेरिका कमजोर राष्ट्र खः । जब जर्मनी पोल्याण्डयात हमला यानाः तहसनहस यात । व इलय् अमेरिकाया राष्ट्रपति रुजबेल्ट भस्के जुल । छायाःसा पोल्याण्ड स्वयां नं अति कमजोर अमेरिकाया सुरक्षा व्यवस्था खः । रुजबेल्ट बिचाः यात, पोल्याण्डयात हमला याः थें अमेरिकायात नं जर्मनी हमला याय्फु । रुजबेल्टया इलय् हे सेनायात आधुनिकीकरण यानाः विश्वया हे शक्तिशाली राष्ट्र जुइत ताःलात । अभ्र ला राष्ट्रपति रुजबेल्ट सी धुंकाः मेम्ह राष्ट्रपति ह्यारी ट्रूमनया कार्यकालय् अमेरिकाया सेना न्हापा भिंन्याद्वः जक ल्याखय् दगु खः । तर ट्रूमनं अत्यन्त

ज्वनाः कडा परिश्रम याना क्यने फइमखु, देय्या अवस्था भन्भन् खराब जुजुं वनी । अथे जूगुलिं नेता व जनता जानाः कडा परिश्रम यानाः क्यना बीमा धकाः सिङ्गापुरया विपन्न अवस्थां सम्पन्न यानाः क्यनाबिल ।

अथे हे थौंकन्हय् सिङ्गापुरया न्याय व्यवस्था गुलि सशक्त धइगु छगू घटनां स्पष्ट याना ब्यूगु दु । सन् १९६४पाखे ईण्डोनेसियाया कमाण्डोतय्सं बम विष्फोट यानाः स्वम्ह नागरिकया हत्या यानाबिल । ली क्वानं ईण्डोनेसियाया कमाण्डोयात मृत्युदण्ड बीगु घोषणा यात । व हे इलय् ईण्डोनेसियां धाल, बिना शर्त कमाण्डोतय्त्त त्वःतेमाः, मखुसा आक्रमण याय्यु जुइ । थुकथं ख्याच्वः जक ब्यूगु मखु, नाकाबन्दी

भीगु देय् चिधंगु जूसा नं प्राकृतिक स्रोत साधनं सम्पन्न देश खः । थ्वपाखें देशयात याकनं विकास याय्यु नितिं कुगाः । तर थनया प्राकृतिक स्रोत साधनया छ्यलाः थुकिया लबः काय्यु ज्या मयासे भीगु प्राकृतिक स्रोत साधन विदेशीतय्यु ल्हाती बीगु ज्या जुयाच्वंगु यक्व हे उदाहरण दु । थुकिं नं क्यनाच्वंगु दु कि नेपाःया नेतातय्यु सोच गथे खः, अले थुकिया लिच्वः जनतां फय्मालाच्वंगु दु धइगु । उकिं भीगु देशयात सम्पन्न, समृद्धि व विकास याय्यु खःसा देशभक्ति, सकारात्मक सोच दुम्ह व देशया धात्थें माया याइम्ह नेता माःगु दु । केवल बांलाःगु खँ ल्हानाः देशया अवस्थायात अभ्र खराब याइपिं नेतात मखु । थ्व इलं फवनाच्वंगु दु ।

सम्पादकीय



नेपाल संवत्त्या व्यावहारिक छ्यलाबुला

नेपाल संवत्त्यात राष्ट्रिय संवत् धकाः घोषणा याःसां नं थुकिया सरकारी ज्याखँय् छ्यलाबुलाया सः थ्वय्का वयाच्वंगु नं ताः हे दत । नेपाल सरकारं नेपाल संवत् १९४४ सुरु जुइ न्हयः कौलागाः त्रयोदशी खुन्हुया मुँज्यां नेपाल सरकारया निर्णय पुस्तिका व सकतां कथंया सरकारी दस्तावेजय् नं नेपाल संवत् छ्यलेगु निर्णय याःगु बुखँ पिहाँ वल । थुकिं नेपाल संवत्त्या आन्दोलनय् न्हयज्यानाच्वीपिं नेवाःतय् दथुइ छगू लसताया सञ्चार यात । थुकिं आः पिहाँ वइगु हरेक सरकारी दस्तावेजय् नेपाल संवत्त्या थाय् हाकनं नं सुनिश्चित जुइ धइगु आशा याय्यु थाय् ब्वलंगु दु ।

नेपाल संवत् नेपाःया अभिलेखय् न्हापांनिसें हे छ्यलाबुलाय् वयाच्वंगु संवत् खः । राणाकालय् नेपाल संवत् व नेपालभाषायात सरकारी ज्याखँय् छ्यले मदइगु याना बी धुंकेसैलि नेपाः एकल भाषा व धर्मया नीतिइ न्ह्याः वन । प्रजातन्त्र वलं नं थ्व नीतिइ छुं हे परिवर्तन मवः । पञ्चायतकालय् ला भन् हे भाषिक व सांस्कृतिक दमनया पराकास्थाय् हे थ्यन । अनं लिपा बहुदलीय प्रजातन्त्रं नं भाषिक व सांस्कृतिक नीतिइ खास हे हिउपाः मवः । गणतन्त्र नेपाः वय् धुंकाः तिनि नेपालभाषा व नेपाल संवत्पाखे छुं भचा हिउपाः वःगु खनेदु । गणतन्त्र नेपाः वय् धुंकाः जक नेपाल संवत्त्यात राष्ट्रिय संवत्कथं घोषणा यात सा थुकियात व्यवहारिक छ्यलाया नितिं नं पहल जूगु खः । लिपांगु इलय् नेपाल सरकारं नेपाल संवत्त्यात सरकारी दस्तावेज व निर्णयपुस्तिकाय् छ्यलेगु निर्णय यानाः हाकनं नं हिउपाःया सन्देश ब्यूगु दु ।

भाषिक अधिकार, सांस्कृतिक अधिकारया नितिं नेपालय् गणतन्त्र वय्धुंकाः जक छुं भचा बांलाःगु लकस ब्वलंगु दु । नेपाल सरकारं व्यवहारिक रुपं नेपाल संवत्त्या छ्यलाया नितिं याःगु थ्व निर्णय गुलितक कार्यान्वयन जुइ धइगु नं स्वय्यु ल्यं हे दनि । प्रधानमन्त्री हे नेपाल संवत्त्यात आः सरकारी दस्तावेजय् अनिवार्य छ्यलेमाःगु धाय् धुंकाः थुकिया कार्यान्वयन जुइ धइगु भलसा दु । नेपाल संवत्त्या आन्दोलनय् थ्व छगू तःधंगु उपलब्धी खः । नेपाल संवत्त्यात जनमानसय् थ्यंकेगु नितिं सरकारी छ्यलां तःधंगु भूमिका म्हिती । सरकारी ख्यलं थुकिया छ्यला न्ह्याके धुंकाः थुकी ब्वलनाच्वंगु थीथी विवाद समाधानया नितिं नं लँपु चाला वनी । नेपाल सरकारं नेपाल संवत्त्यात व्यवहारिक छ्यला न्ह्याकायंकेगु धाय् धुंकाः थुकी खनेदुगु समस्या समाधानया नितिं शास्त्र सम्मत व विधि सम्मत सहलह ब्याकाः छगू निष्कर्षय् न्हयज्याय्यु लँपु चाला वनी ।

नेपाल सरकारं नेपाल संवत्त्यात राष्ट्रिय संवत् घोषणा याःगु थ्यंमथ्यं भिंन्यादँलिपा व्यवहारिक छ्यलाया नितिं पहल जूगु दु । थ्व ज्यायात सफल दय्केगु नितिं नेपाल संवत्त्या आन्दोलनय् न्हयज्यानाच्वीपिसं नं थःगु थासं भूमिका म्हिते आवश्यक जुइ ।

सु-संस्कृतिया म्हपूजा



सर्वज्ञरत्न वज्राचार्य
१५ वडा त्वयुद्धं धिमेत्वहं ये

न्यथे

भ्रीगु सु-संस्कृतिया म्हपूजा गुलि महत्वं भयुभयु ब्यू उलि हे अर्थपूर्णं नं जू। थःत थःम्ह हे पूजा याना हनेगु स्वन्ति नखः खः। थजाःगु परम्परा दुने सुख समृद्धिया कामना नापनापं मैत्रीभावं युक्त यानाः करुणाभावं बिलिबिलि जायका सुद्धता भावं समता दृष्टिं स्वयाः प्रज्ञाया अभिवृद्धि यानाः सकसितं भिंतुसें हनिगु नखः खः। थःगु हे शरीर मन स्वरूपया मण्डः दयकाः कायमन्दल स्थापना यानाः बोधिसत्वपिनिगु गुणयात लुमका वसपोलपिं थें हे थः नं जुइफयमाः धयागु मनंतुना हनेगु हे म्हपूजा नखःया महत्व खः।

म्हपूजा १४ अञ्चल सत्तहत्तर जिल्लाया सकल नेवाःमितयसं हनावयाच्वंगु नखः खः। थुजाःगु नखः थःत थःम्ह पूजा यानाः हनेगु नखः शायद गनं दूगु खइमखु। विशेषरूपं न्हँदं सकसिया थःथःगु हे पहलं थःथःगु हे परम्पराकथं विशिष्टरूपं हनावयाच्वंगु दु। भिंतुना देछाना नं वयाच्वंगु दु। सुख समृद्धिया कामना यानावयाच्वंगु नं मद्दुगु मखु। तर थःत थःम्हं शुद्ध यानाः न्हयज्यायगु परम्परा विश्वयु गनं खनेदयाच्वंगु मद्दु। नेपाःगाःया नेवाः मात्रया आदिमकालनिसें अर्थात् प्राचीन सभ्यताया महत्व समृद्धिशाली, विवेकपूर्ण, प्रज्ञावान दु धइगु दसुया रूपयु म्हपूजां धिसिमिसि लायक कयना च्वंगु दु।

म्हपूजा व मन्दःया भावना

नेपाःया मौलिक संस्कृति मध्ये नेवाःतयसं हनावयाच्वंगु छु तःजिगु नखः म्हपूजा खः। थ्व नखःया दिं कछलाथ्व पारुकुन्ह हनिगु व थुगु दिं नेपाःया मौलिक सम्बत् नेपालसम्बत् हिलिगु दिं नं जुयाच्वंगु कारण थ्व दिंयात विशेषत तःजिक हनाः थवंथवयु भिंतुना कालबिल यायगु ज्या नं न्हयाकावयाच्वंगु दु। मूलतः थ्व दिंकुन्ह थःगु म्हायात विधिपूर्वक पूजा यायगु जूगुलिं थुकियात म्हपूजा धायगु यानावयाच्वंगु खः।

म्हपूजा गुवलेनिसें न्हयात धकाः आःतक नं प्रमाणित रूपं अभिलेख वा मूलस्रोत लूगु मद्दुनिसां थ्व पूजा अटुटरूपं न्हयानावयाच्वंगु दु। इतिहास शिरोमणी बाबुराम आचार्यजुया धापुकथं म्हपूजा यायगु परम्परा भिन्त्यासः दै स्वया नं न्हयःनिसें हे न्हयानावयाच्वंगु खनेदु। आःतक लुयावःगु विविध लिच्छविकालया ल्वहंपील्यु नं कछलाथ्व पारुयात विशेष महत्व बियावयाच्वंगु दु। गुकिइ नेपाल सम्बत् स्वनेज्या स्वयानं न्हयः मेमेगु गुलि

नं सम्बत् न्हयानाच्वंगु दु व फुकक सम्बत् नं थ्व हे कछलाथ्व पारुनिसें हे हिलिइगु खः। गुगु लिच्छविकालीन अभिलेखं पुष्टि यानाच्वंगु दु। न्हापायापिं शासकतयसं सम्बत् हिलीगु बखतयु कार्तिक शुक्ल प्रतिपदा (कछलाथ्व पारु) म्हपूजा कुन्ह पुण्यया दिनयु लाका हिलेगु परम्परा दयाच्वंगु जुल। नेपाल सम्बत् धकाः थुगु हे पवित्र दिनयु लाकाः स्वानावन। गुगु आःतकनं भ्रीसं अटुटरूपं हनावयाच्वनागु दु।

म्हपूजाकुन्ह महायानी बौद्धपिसं वज्रसत्व गुरूया मन्दल, गुरूमन्दल पूज्यानाः बुद्ध धर्म व संघ, कूल देवता, ईष्टदेवता नापं पूज्यायगु याइ। थुगु



पूजाया मूल आशय धयागु त्याग व दान शीलताया भावना खः। अथेतुं मैत्री, करुणा, मुद्धिता व उपेक्षया नापनापं दया, माया, करुणा, ममतां भयभयु बिकाः चतुब्रम्ह बिहारया भावनायात कः घानाः हनावयाच्वंगु नखः खः म्हपूजा। नेवाः मात्रया थःगु जीवनया नापनापं प्राणी मात्रया उद्धार यायत न्हयाबले तल्लीन जुयाच्वनेफयमा धकाः त्याग भावनायात समाहित याना करुणा चित्त उत्पत्ति यानाःदँयदसं सुमरण यानाः पूजाभाव याना थुगु नखःयात न्हयाकाच्वनी।

थ्व जीवन्तयु पञ्चस्कन्ध व 'पञ्चतत्त्व' भरिपूर्णगु जीवन खः। लिपा वनाः अन्तिमयु पृथ्वी तत्वयु बिलय जूवनिइगु खः। शुन्यतायु लुकुबिनावनीगु खः। उकिं जीवनया यथार्थतायु दुना जीवनया रहथयात महसूस यानाः थ्व शुन्य खः धयागु भावं मन्दल दयका मन्दलया दुने थीथी अन्न बिबःतां लः स्वानं आदिं चाःहिइकाः प्रकृति जीव जगतया स्वभावयात बोध यानाः हिलावनिइगु अनित्यताया दर्शनयात अनुभूति याना शुन्यताया स्वरूपयात महसूस यायगु हे म्हपूजाया विधि खः।

कछलाथ्व पारुकुन्ह म्हपूजा यायत सकलें निइसी यानाः थःथःम्हं शुद्ध जुया थजिक्थनिसें मर्यादाक्रमयु मां, बौ, दाजु, किजा, तःके सकलें मुना म्हातिं म्हातिं मन्दः च्वयाः थीथी सिसाबुसा (फलफूल) आदि न्हयःनेतयाः मत च्याकाः भःभः धायका कायमन्दल स्थापना यानाः मन्दः थानाः सुकुन्दा दिनादिन च्याकाः तःसि, खोसिं व स्यांगुलि नापं तःता प्रकारया सिसाबुसा

(फलफूल) न्हयःने व्वयाः जवयु पूजाभः तयाः धुकुमुकु धायकः मुलपतिं थ्यानाः मन्दःया न्हयःनेसं पयतुना मन्दःयात पूज्याना सुकुन्दा फलफूलयात नं पूज्याना थःत नं पूज्याना कोखाजजंका कोखाया ताःआयु भावना याना खेलुईताः च्याकाः उकिया जःलं खयुका सिसाबुसा लःल्हानाः कायधुनेवं धौसगं कयाः थुकथं भावना यायगु याइ।

आदौ कल्याणं मध्येव कल्याण, पर्यवसान कल्याणम् स्वर्थम् सुव्यञ्जनम् केवलं परिपूर्णं परिशुद्धं पर्यवदातां ब्रम्हचर्यं संप्रकाशयतिस्मः। आयुबुद्धि यशोबुद्धि बृद्धिविद्या सुखाश्चैव, जनधन सन्तान यदेह सप्तबुद्धियोस्तु ॥



भावार्थः आदि मध्ये अन्ततकं कल्याण जुयाच्वंगु व्यञ्जनं परिपूजा जुयाः ब्रम्हचर्यायात पिब्वया सुख समृद्धि मंगलया कामना यानाः हानं जसबुद्धि, ज्ञान बुद्धि, सुख बुद्धि धन बुद्धि सन्तान बुद्धि ताःआयु रोगब्याधि व विभिन्न ग्रहदशा आदि नं मुक्त जुयमा धयागु भावनां बिलिबिलि जायका चित्तया विकार फुनावंगु भाःपा भोजन यानाः मुख सुद्धि कयाः म्हपूजा क्वचायुकि।

म्हपूजा यायत च्वयुगु मन्दःयात संघमन्दल वा कायमन्दल धायगु याः। गुगु थन प्रसंगबस न्हयव्वयाच्वना। थुकुन्ह पोतासं चाकलाक मन्दः च्वयाः च्याहपलें चाःहिइका आखयु, वा, म्वा (मायु), हाकु मुस्या व तायु नापनापं चिकमन्दः थानाः तःगु मन्दः म्हपूजाया मन्दः खः। गुम्ह गुम्हेसियां तायु, म्वाः, मायु वा मतसे गुताबीवः नं जक चाःहिइकेगु याइपिं नं दयाच्वंगु दु। थुगु मन्दःयात श्रीयन्त्र स्वरूप धकाः नं गुम्हगुम्हेसिं धयावयाच्वंगु दु। थुगु मन्दलयु च्याहःपले दुने अष्टमंगलया चिं दुथ्याकावयाच्वंगु दु। गुगु पोतायु नं च्वयुबलयु अष्टमंगलया चिं च्वयुवाः। उगु पलेहःया दुने स्वां छपवः छपवः तयगु याइ।

मन्दःया दुने अष्टमंगलया प्रतिकात्मक भावना

स्वयम्भू पुराण, सुखावति ब्यूह, अष्टमंगलगाथा आदि व अष्टमन्दलया बाखं महिमा न्हयव्वयातःगु आपालं आपालं दु। अष्टमंगलया पूजा यायगु अष्टमंगल दयका थीथी द्यःपिन्त द्रहलपा पूजा यातधाःसा उकिया पुण्य अपार दु

अष्ट बोधिसत्व, अष्ट वितराग, अष्ट चिरञ्जीवि व अष्टमंगलया प्रतिकात्मक थुकथं खनेदयाच्वंगु दु :-

ल्याः	अष्टमंगल	बोधिसत्व	वितराग	चिरञ्जीवि
१.	श्रीवत्स	मैत्रीय	मणिलिगेश्वर	अश्वस्थामा
२.	पुण्डरीक	गगनगञ्ज	गोकर्णेश्वर	वलि
३.	ध्वज	समन्तभद्र	किलेश्वर	व्यास
४.	कलश	वज्रपाणी	कुम्भेश्वर	हनुमान
५.	चवामो	मज्जुघोष	गर्तेश्वर	विभिषण
६.	मत्स्य	सर्वनिवर्णविस्कर्षि	फनिकेश्वर	कृपाचार्य
७.	छत्र	क्षितिगर्भ	गन्धेश्वर	परशुराम
८.	शंख	खगर्भ	विक्रमेश्वर	मार्कण्डेय

व शान्ति-स्वास्ति आदि सर्वत्र मंगल जुइगु कल्याण जुइगु थुलि जक मखु बुद्ध बोधिसत्व लोकेश्वर आदिपिन्त नं पूजा यायबलयु वस्पोलिपिन्त अष्टमंगल दोहलपा पूजाभाव यातधासा उकिया पुण्य अल्याख दुगु खं नं न्हयव्वयातःगु दु।

थुगु अष्टमंगलयात महायानी बौद्धपिसं अष्टबोधिसत्वया प्रतिककथं कयाच्वंगु दुसा शैव पक्षं महाद्यःया स्वरूप शिवालिंगया रूपयु अष्ट वितराग नाप स्वानावयाच्वंगु दु। थथे तुं बैष्णव पक्षं अष्ट चिरञ्जीविकथं कयावयाच्वंगु खनेदु। थ्व भ्रीगु धार्मिक सहिष्णुता जक मखु नेपाल धर्मया स्वरूप फुकक नेवाः छू हे मन्दलयु च्वनाः मन्दल भावना याना मन्दलयु दुने थःथः आस्थाया देव-देवीपिं भावना यानाः थः व हे मन्दलयु निहित जुयाः बौद्ध, शैव व बैष्णव फुकक छू हे भावं खनाः हनेगु हे म्हपूजाया मन्दल भीत फुकक छम्ह हे खः धयागु भावना अभिव्याक्ति जूगु खनेदु धाःसां अप्वः जुइ थें मताः।

नेपाःगाःया प्रचलित धर्मयु नं थ्व हे स्वंगु बौद्ध, शिव (शैव) व बैष्णव धर्म खः। धार्मिक सहिष्णुतायु दुना थःथःगु धर्म अनुसारं संस्कार संस्कृतियात न्हयाकेफूगु नं नेवाः छवाः जुया न्हयानावयाच्वंगु नेवाः धर्म स्वरूपं हनावयाच्वंगु खः धयागु नं प्रष्ट जू।

थुकथं थःथःगु धर्मया भावना अनुरूपं दुस्वयबलयु थुगु काय मन्दल बौद्ध भावनाकथं संघ मन्दलया स्वरूप खःसा शैव भावनाकथं शिवत्वया स्वरूप खने दुसा बैष्णवया भावनाकथं विष्णुया स्वरूप खः। अथे धयागु म्हपूजा याःम्ह ब्याक्ति संघमन्दलकथं करुणामय स्वरूप जूसा शैवया शिवमन्दल स्वरूप जुल वैष्णवया भावनाकथं विष्णुया स्वरूप कयातःगु खनेदु। भ्रीगु संस्कृति थःहे द्यः जुयाः न्हयज्यायगु वा न्हयव्वयगु परम्परा नं खः।

बौद्धपक्षं थःथःपिनिगु मन्दःया धलं दनेबलयु बुद्धमन्दल, धर्ममन्दल व संघमन्दलया भावना नं यायमां। बुद्धमन्दलया भावनाकथं ज्ञानयात ग्रहण यायगु खः। गुगु यथार्थयात बोध यायगु खः। धर्ममन्दल धयागु बचन नैतिकताया शुद्ध आचरण खः। विवेकपूर्ण व्यवहार खः। संघमन्दल धयागु समूह खः। ल्हा, तुति, मह छयं आदियात मांकथं न्हयाकेगु शक्ति खः। थुगु भावनाकथं काय शरीर नं खः। थुकिइयात हे संघमन्दल वा कायमन्दल धाःगु खः। थुगु संघमन्दलया दुने प्रतिकात्मककथं बोधिसत्वपिसं चाःहिइका अवलोकितेश्वर (करुणामय) विराजमान जुयाच्वंगु दु। थुकथं ज्वःलाःगु थुगु म्हपूजाया मन्दलयु बोधिसत्वपिं स्वरूप अष्टमंगलया चिं नं चाःहिइका थःगु चित्त अर्थात चेतना स्वरूपगु चिकं मन्दः (गुम्हेसित थःगु आत्मबल नं धायगु याः) थाना कायमन्दल स्थापना याइ। थुगु कायमन्दल वा संघमन्दलया करुणामय नं थःहे भाःपिइगु खः। थः नं छम्ह संघ स्वरूपम्ह खः धयागु नं मनंतुना करुणामयया करुणाचित्त थें जुयाः थन न्हयज्यायफयमा धयागु भावनायात व्वयुगु हे म्हपूजाया मू आञ्जु खः।

लिख

म्हपूजाया शाब्दिक अर्थ खः म्हायात पूजा यायगु खः। थीथी विद्वानतयसं म्हपूजा यायगुया अर्थ आत्मपूजा वा ब्रम्हपूजा नं धायगु यानावयाच्वंगु दु। तर आत्मपूजा वा ब्रम्हपूजा धायबलयु म्हपूजाया यथार्थतायात खोलं भुनेगु थें भाव जूवः। वैदिककालनिसें हे म्हपूजा यायगु परम्परा नेपाःगालयु दयाच्वंगु धैगु न्यनावया च्वना। अथेखःसा वैदिक सम्प्रदायया पक्षधरपिनि नं म्हपूजा यायगु चलन दयमाःगु खः तर व दयाच्वंगु मद्दु। थन बिचाःयायु बहःजू कि गैर नेवाःतयु म्हपूजा यायमाःगु चलन मद्दु।



यलय् नेपाल सम्बत् छवाःयंकं थीथी ज्याइवः यानाः हन



नेपाल सम्बत् या प्रवर्तक नेपाःदेया राष्ट्रिय विभूति शंखधर साख्वाःजू सकल नेपाःमी तयेगु त्यासा पुलाः ऋण मोचन याःगु लुमन्ती नेपाल सम्बत् १९४४ न्हँया लसताय नेपालभाषा मंकाःखलः, यल पाखें छवाः यँकं स्वन्ति नखः जःछि पाल्चा च्याकुसें थिथि ज्याइवः यानां तसकं भःभः धायेक न्हँदें हंगु खः।

स्वन्ति नखः हनेगु इवल्यु कार्तिक २० व २१ गते निन्हुर्यकं मंकाःखलः दबूली राष्ट्रिय च्यापिड रेटिड बुद्धिचाल धें धें बल्ला कासाया खसावगु खः। कासाया उलेज्या नेपाःदेया ख्यालिंम्व जुजु मदनकृष्ण श्रेष्ठ व हरिवंश आचार्यजू यानादिगु खःसा नेपाःया ८९ म्ह शिर्षस्थ कासामी तयेसं ब्वति कागु खः। चेस कासाय नेपाल च्याम्पियन रुपेश जैसवाल न्हाप, पूर्व नेपाल च्याम्पियन आशिष फूयाल ल्यू व ओलम्पियन कासामी क्षितिज भण्डारी लियांल्यू लाकेत ताःलागु जुला मिसा पाखे श्रीलंकन कासामी सचिन रानासिंघे न्हाप व यल पाखे सुरोज महर्जन न्हाप लागु खः। ताःलापि कासामी तयेत प्रदेश मन्त्री मा.रामकृष्ण चित्रकारं ख्वीद्व तका सिरपा, मेडल व दसि पौ लः ल्हानां दिगु खः।

न्हँदें समारोह समिति १९४४

यल नापं जानां नेपालभाषा मंकाःखलः यलया इनापयु कार्तिक २४ कुन्हु नेपाल मण्डल टेलिभिजनयु नेवाः तजिलजि, नेवाः परम्परा व नेपाल सम्बत् या विषयसः टिभि टल्क ज्याइवःया खसाःग्वगु खः। ज्याइवःलयु मंकाःखलःया न्हापाम्ह नायो संस्कृत विद् छत्र बहादुर कायस्थ, नेवाः न्हयलुवा डा.पुष्पराज राजकर्णिकार, मंकाःखलःया नायो हिराकाजी महर्जनजू पिंसं दुयंकं खँ तया मू वँगु खँल्हाबल्हा यानां दिगु जुला मगाःमचागु कथं ज्यापू समाज यलया नायो तिर्थलाल महर्जनजू नेवाःजाति उत्थान मजुसें मगागुलिं थःथःपिं निं बःलाकेमा धैगु भाव न्हयब्वया दिगु खःसा वरिष्ठ पत्रकार सुनिल महर्जनजू न्हँदें समारोह समिति व यल महानगरपालिका यागु संयुक्त सहकार्य पाखें न्हँदें हना वनिमागु बिचाः प्वकाःदिगु दु।

निहन्यु मन्दः धेंधेबल्ला च्वज्या कासा नं न्ह्याःगु खः। नेवाः स्यनाकुथि प्रशिक्षण केन्द्र व बोधिचर्या नेपाःया खसा संयोजनयु निर्णायक मण्डल कथं लिपि विशेषज्ञ लोकरत्न शाक्य, वरिष्ठ कलाकार प्रचण्ड शाक्य व किरण शाक्यपिं च्वना दिगु जुला मुक्कं भिनिहम कलाकार तयेसं ब्वति कागु मनणदः कासायु न्हाप लाम्ह ठेचोया

गगन महर्जन, ल्यू प्रशान्ना बज्राचार्य, ल्यूयांल्यू सुजिता शाक्य व हपाः सिरपा कथं किपाः बज्राचार्ययात यल महानगरया उपमेयर मञ्जलि शाक्यजू पाखें नीछ्द्र तका व दसिपौ लःल्हानां दिगु खः।

अथेहे कार्तिक २५ गते शनिवाः



सुथयु नेपाः देया नांजाम्ह साफ म्याराथनयु रेकर्ड होल्डर बैकुण्ठ मानन्धर उलेज्या यानां न्ह्याकुगु १० किमि ब्वाज्या कासायु ग्वीम्ह राष्ट्रिय कासामि तयेसं ब्वति कागु खः। नेपालभाषा मंकाःखलः त्यागःत्वाः लं ब्वाकुगु १० किमि कासायु यलपाखें राकेश महर्जन, दिनेश महर्जन व भिमसेन अवाले छसिकथं न्हाप, ल्यू व लियांल्यू लायेत ताःलागु खः। खुल्ला ब्वाज्यासः नरेन्द्र सिं रावत न्हाप, संजय श्रेष्ठ ल्यू व श्रीकास्त राई ल्यूयांल्यू लागु खःसा मुक्कं न्येछ्द्र तका सिरपा, मेडल व दसिपौ मा.सांसद प्रेम बहादुर महर्जनजू मंगः कात्ति दबू समापन समारोहस लः ल्हानां दिगु खः।

नेपालभाषा व नेपाल सम्बत् न्हयब्वया संयुक्त राष्ट्र संघयु नेपाःदेया नां दुथ्याकुगु लुमन्ती मंकाःखलः ज्याकुथी नेपाःदेया ध्वायँ व मंकाःखलःया ध्वायँ ब्वयेका भिन्तुना कालबिल व समयबजि नापं तुच्चा ज्याइवः न्यायेकुगु जुला नेपालभाषा मंकाःखलःया सल्लाहकार, पूर्व नायो, भाषिक आन्दोलनया न्हयलुवाः, थिथि राजनैतिक पार्टीया प्रतिनिधि, दुजःभाजु मयु जु पिनि उपस्थिती भण्डोतोलन यानां हि-दान, छ्यंगु दान, मिखा दान,

मिखा जाँच, सुगर प्रेसर ज्याइवःनं न्ह्याकुगु खः।

कार्तिक २७ गते सन्ध्या ईलयु मंकाःखलःयलया आह्वानयु रोटार्कट व रोटरी क्लव अफ यलया ग्वसालयु सीःमतयाः (क्याण्डल वाल्क) यलदेया सापारु स्तयु न्ह्याकुगु खः।

यानां दिगु खः। थ्यं मथ्यं ३० किमि साइकल च्यालि मंगःलयु समापन समारोहलयु वयाः क्वचमगु जुला।

थ्वहे न्हिसः यल महानगरपालिकाया आर्थिक ग्वाहालि कया नेपालभाषा मंकाःखलःया ल्यू छ्याञ्जे राजु तमोया कर्जिसुइ यलया धापाख्यः २४ वडाया मालिगाँ व जल २८,२९ वडाया तफाःख्यलयु नेपाल सम्बत् या प्रवर्तक शंखधर साख्वाःजूया इवाःताः पलिस्था यायेगु ज्या क्वचागु जुला थ्व निथायु सं मेयर चिरिबाबु महर्जनजू इवाःता उलेज्या यानां दिगु खः। मुक्कं प्यंगु इवाःता तयेगु ज्याखँयु बुझमती व खोनायु याकनं हे ज्या पूर्वनिगु जुगु दु।

कथहं सम्माननीय प्रधानमन्त्री पुष्प कमल दहालजू मंगः कात्ति दबूली न्हँदें समारोह समिति १९४४ यल पाखे ग्वसाःग्वगु नेपाल सम्बत् न्हँदेंया लसतायु भिन्तुना साँस्कृतिक च्यालिया उलेज्या यानां दिगु दु। छ्हु न्हयव तिनि मन्त्री परिषद् वैठकं सरकारी निर्णय



कार्तिक २८ गते न्हँदें कुन्हु सुथयु ६ ताःईलयु अन्तर्राष्ट्रिय साइकल यात्री ज्ञान महर्जन पाखें उलेज्या यानां ब्वति काःगु मास साइकल च्याली छुहे लँ फिनां यलया न्हयेगु गामयु यात्रा याकुगु खः। स्वसम्ह साइकल यात्री तयेतः महालक्ष्मी नगरपालिकाया उपमेयर लक्ष्मी महर्जन ठसिया बुद्ध पुखुली, जलयु २८,२९ वडा अध्यक्ष गणेश व विरेन्द्र महर्जन तफाःख्यलयु, बुझमती प्रदेश सांसद प्रेमभक्त महर्जन व खोनायु पूर्व प्रदेश सांसद चेतनाथ सञ्जेलं खें सगं व कोखा ईना लसकुस

पुस्तिकायु नेपाल सम्बत् च्वयेमागु निर्णय यानागु खँ न्हयथसें नेपामी तयेगु साभा सम्बत् नेपाल सम्बत् हे खः धका बनादिला प्रधानमन्त्री प्रचण्ड पाखें उलेज्या जुइ धुनेवं भिन्तुना च्यालि सः २१ जाति खलःपुचःया व्यानर सहित नगर परिक्रमा जुगु खः।

थथे न्हँदें समारोह समितया मू ग्वसालयु नेपालभाषा मंकाःखलः, यलया संयोजनयु छवाःयँकं थिथि ज्याइवः न्यायेकाः नेपाल सम्बत् १९४४ तःजिक हनां मंगः कात्ति दबूली समापन समारोह यासें क्वचागु जुल।

सक्वयु भिन्तुना व तुच्चा ज्याइवः



रोटरी क्लव अफ सक्वयु सक्वया भक्ति बाम्बो कतेजयु स्वन्ति नखः व न्हँदेंया लसतायु भिन्तुना व तुच्चा ज्याइव यात।

नेपाल सम्बत् १९४३ कौलागाः को पुजा कुन्हु तःजिक स्वन्ति नखः

न्हँदेंया लसतायु छगु ज्याइवः यागु खः। रोटरी क्लव अफ सक्वया नायः राजेश श्रेष्ठया नायःसुइ न्ह्याकुगु खः। ज्याइवलयु भ्रायादीपिं मेयर उप मेयर व रोटरीयन पिंसं थःथःगु खँ तया न्हँदेंया भिन्तुना बियादीगु खः।



नेपाल संवत् १९४४ न्हँदेंया लसतायु ओलम्पस क्लव, ओमबहाःया ग्वसालयु भिन्तुना कालबिल ज्याइवः जुल। क्वलया नायः पवित्र बज्राचार्यया सभापतित्वयु जूगु ज्याइवलयु नेपाल संवत् राष्ट्रिय न्हँदें समारोह समिति १९४४ या नायः प्रा.डा. नरेशमान बज्राचार्य मूपाहाँकथं ब्वति कयादीगु खः। ज्याइवलयु यँ क्षेत्र नं. ८ या प्रदेशसभा दुजः शैलेन्द्र बज्राचार्य, यँ मनपा २३ वडाया नायः मचाराजा महर्जन, यँ मनपाया पूर्वमेयर विद्यासुन्दर शाक्य, समाजसेवी रविचरण श्रेष्ठलिसें थीथी हनेबहःपिं व्यक्तिवपिसं ब्वति कयादीगु खः।

पासा पुचः गुथि लण्डनया भिंतुना कालबिल



पासा पुचः गुथि लण्डनया संवत्पागु भिंतुना च्यालि न्ह्याकूगु खः। रक्की लण्डन मानन्धरया नेतृत्वय् लिसा दली, अमिता श्रेष्ठ, प्रनिशा शाक्य, पब्लिका श्रेष्ठ, आस्था जोशी, मन्दिरा मानन्धरपिसं व्यवस्थापनय् ग्वाहालि याःगु खः। भिंतुना कालबिलया इवलय् नेवाः सांस्कृतिक ज्याइवः नं जूगु खः।

नेपाः पासा पुचः अमेरिकाय्या न्हूधाः



अमेरिकाया डिसी महानगर लागाय् ३२ दै न्ह्यः स्वंगु नेपाः पासा पुचः अमेरिकाय् (एनपिपिए) नेपाल सम्बत ११४४ न्हूदँया भिंतुनालिसें ३२ क्वःगु दँमुज्या तजिक क्वचाय्कूगु दु। वंगु शनिवाः जूगु ज्याइवलं नायः मनोहर श्रेष्ठ निक्वःगु खुसि नायल्य् निर्वाचित जुयादीगु दु।

नेपाल सम्बत ११४४ न्हूदँया लसताय् मेरिल्याण्डया गेथर्सबर्ग शहरया छगू ब्वनेकुथि उगु ज्याइवः जूगु खः। थुगुसी न्हापांखुसीइ नेपाल यंकूगु नेपाल सम्बतका संस्थापक शंखधर साख्वाया प्रतिमाय् नायः मनोहर श्रेष्ठ व मूवक्ता कबिना सिंह स्वांमाः क्वखाय्काः ज्याइवः उलेज्या यानादीगु खः।

नायः श्रेष्ठ लसकुस व मूवक्ता कबिना सिंह संखधर साख्वाः व नेपाल सम्बत बारे नुगःखँ तयादीगु दु।

क्षेत्रपाटी विकास उपभोक्ता समितिपाखें संग



क्षेत्रपाटी बिकास उपभोक्ता समितिया ग्वसालय् न्हूदँया लसताय् बसन्तपुरं मास च्याली ब्वति काय्गु ज्या जुगु दु। उगु ज्याइवल्य् ब्वति काय्गु निर्मित भेला जुयादीपिं पांहापि १७ वडाया अध्यक्ष नविन मानन्धर, ७ नं क्षेत्र क प्रदेश नं ३ या प्रदेश सभासद बसन्त मानन्धर व राष्ट्रिय प्रजातन्त्र पार्टीया गणेश पराजुलीं न ब्वति काःगु खः। थ्व इवल्य् छत्रपाटी बिकास उपभोक्ताया दुजः मिसा पुचलं सकसित संग ब्यूगु खः।

कोलोराडोय् भिंतुना कालबिल



नेपाल सम्बत ११४४ न्हूदँया लसताय् कोलोराडो निवासी नेवाः समुदायं वंगु शनिवाः छगू ज्याइवः ग्वसाःग्वसें थर्वथवय् भिंतुना कालबिल ज्याइवः याःगु दु। कोलोराडो नेवाः खलकं ग्वसाःग्वःगु न्हूदँया भिंतुना ज्याइवल्य् ब्वति कयाः वय्कःपिसं थर्वथवय् भिंतुना कालबिल याःगु खः।

पानसय् मत च्याकाः उलेज्या याःगु ज्याइवल्य् संस्थापक नायः प्रेमकाजी श्रेष्ठ ज्याइवल्य् ब्वति कयादीपिं सकसित लसकुस याःगु खःसा नायः भुषणलाल श्रेष्ठ संस्थाया कुतलय् याःगु ज्याया विवरण न्ह्यब्वसें छुं ई न्ह्यः नेपाली सांस्कृतिक केन्द्र भवनया प्रांगणय् जूगु ईन्द्रजात्रा छगू दसु जूगु खँ कनादिल।

नेवाः खलः नायः भुषणलाल श्रेष्ठया सभापतित्वय् जूगु ज्याइवः सबिता श्रेष्ठ न्ह्याकूगु खः। ज्याइवःया लिपांगु ब्वय संस्थाया नायः मनोजकाजी तुलाधरं ब्वति कयादीपिं सकसित सुभाय् देखासें नेवाः संस्कृति ल्यंका तय्त व अमेरीकाय् बूपिं मस्तय्त नेवाः संस्कृति म्हसीके बीत दँय्दसं थुज्वःगु ज्याइवःत यानावया च्वनागु कनादीगु खः।

१८ वडाया ग्वसालय् सुकुन्दा च्याली



नेपाल संवत् ११४४ न्हूदँया लसताय् यँ महानगरपालिका १८ वडाया ग्वसालय् वंगु शनिवाः छगू सुकुन्दा च्याली जुल।

थनया तामिसपाखास्थित पुष्पलाल पार्क न्ह्याःगु च्याली वडाया थीथी लाग्ना चाःहिलाः पार्कय् थ्यंकाः क्वचायेकूगु खः।

यँ महानगरपालिकाया उपप्रमुख सुनिता डंगोल मूपाहांकथं भायादीगु च्यालीइ बागमति प्रदेशया पुलांम्ह मुख्यमन्त्री अष्टलक्ष्मी शाक्य विशेष पाहांकथं भायादीगु खः। १८ वडाअध्यक्ष न्हुछेकाजी महर्जनया सभापतित्वय् न्ह्याःगु च्याली जनप्रतिनिधि, वडाया कर्मचारीलिसें स्थानीयया सहभागिता दुगु खः।

न्हूदँया लसताय् मचा ब्वाज्या कासा

न्हूदँया लसताय् २५ क्वःगु मचा ब्वाज्या कासा लक्ष्मीपूजा कुन्हु यँया बसन्तपुरय् क्वचाःगु दु। न्हू पुचःया ग्वसालय् ज्याइवः जुगु खः।

ने.सं.११४४ न्हूदँया लसताय् जुगु उगु ज्याइवःया उलेज्या यँ महानगरपालिकाया उपमेयर सुनिता डंगोलं उलेज्या यानादिगु खः।

मचा ब्वाज्या कासा क्वःने लाग्ना जुया भिद्यः त्वाल्य् क्चाःगु खः।

कासाया समापन ज्याइवल्य् ज्याइवल्य् न्हूदँ समारोह समितिया नायः प्रा.डा. नरेशमान बज्राचार्य व यँमपा २० वडाया नायः राजेन्द्र मानन्धरं मू पाहाँसुइ जुगु उगु ज्याइवल्य् मिजं पाखें न्हापा ९ दँया दैवग्यलाल श्रेष्ठ,



ल्यू १० दँया अनिल धर्तिमगर, १० दँया लियाल्यू क्रिष्टल नरसिंह श्रेष्ठ, मिसामस्त पाखें न्हापा ९ दँया साइवा श्रेष्ठ, ल्यू १० दँ दुम्ह संस्कृति श्रेष्ठ, लियाल्यू ९ दँया सुप्रिया थापा पित्त सुभाय् पौ लःल्हागु खः। ज्याइवः पुचःया छ्याज्जे नविन रिजितं न्ह्याकादिगु खःसा लसकुस पुचःया न्वक् धर्मरत्न बज्राचार्य यानादिगु खः।

शाही खड्गी समाजपाखे मैनमतयाः ज्याइवः



न्हूदँ ११४४ या लसताय् शाही खड्गी समाज ढल्कोपाखें मैनमत याः ज्याइवः याःगु दु। वंगु शनिवाः सनिलय् ढल्को त्वालं थथे मैनमत याः ज्याइवः याःगु खः।

यँ महानगरपालिकाया प्रवक्ता लिसें १७ वडाया वडाअध्यक्ष नविन मानन्धरं उगु ज्याइवः उलेज्या सुकुन्दा च्याका यानादिगु खः।

मैनमत याः ज्याइवल्य् १७ वडाया स्थानियबासिपिसं ब्वति काःगु खः। अथे हे थीथी त्वाल्य् न्हूदँया लसताय् मैनमत याः ज्याइवः जुगु दु।

भ्रष्टाचार बल्य हाहाः धकाः छाय् हालिइ ?



पन्नारतन महर्जन

थःपिनिगु संरचनां थःपिं हे दुर्घटनाय् लाइ धकाः चिचिचा जाः यानाः छै दय्केगु याःसां, चकंगु थासय् बिस्वू वनेगु व दथु अंगलय् च्वनाः बचय् जुइगु याःसां भ्रष्टाचार बल्य धयागु गुलि, गुकथं व गबले बल्य धयागु यकिन याय् फइमखु । हानं भ्रष्टाचार बल्य सकसिनं वाः हे चाइ धयागु नं धाय् फइमखु । चानय् सकलें देनाचवनीगु इलय् लात धाय्वला कन यववसिनं मचाय् यः । थज्याःगु बखतय् मीसं दय्कातयागु संरचनां भ्रष्टाचार बल्यःगु थेगे याय् मफुत धाःसा तच्चःगु दुर्घटना जुइत नं बेर मदय्फु ।

भु अथवा पृथ्वी सनीगु अथवा खाइगु यात भ्रष्टाचार बल्य धाइ । थ्व प्रकृतीया नियमित प्रकृतीया दुने लाः । संतुलनया सिधान्त कथं थथे जुयाचवनी । थथे जुयाः भ्रष्टाचार बल्ययात दैबी प्रकोप कथं कायगु याः । ततःसकं बल्य बल्य थुकिं यक्व धनजनया नं क्षति याइ ।

भ्रष्टाचार बल्य धयागु थबले अबले धयागु दइमखु । सुथय् बहनी न्हिनय् चानय् न्ह्याबलें नं ब्यफु । थबले हे बल्य धकाः छुं यकिन मदुगुलिं भ्रष्टाचार बल्य धयागु गबले बल्य सुनां नं सियाचवनी मखु ।

भ्रष्टाचार बल्ययात दैबी प्रकोप कथं कायगु याःसां खुसिबाः, चलः, सुनामी थें थ्व थःथमतुं दैबी प्रकोप धाःसा मखु । मनुखं दय्कातःगु भौतिक संरचनां यानाः जक दैबी प्रकोप थें जुइगु खः । गबले बल्य धयागु छुं निश्चित मदुगुलिं भ्रष्टाचार बल्य अज्याःगु संरचनात दुना दुर्घटनाय् तकं लाय् यः । थथे जुयाः हे थुकियात दैबी प्रकोप कथं कायगु यानातःगु खः । भ्रष्टाचार बल्यःगु वाः चाय्वं सुरक्षित थासय् वनेगु याइ ।

भ्रष्टाचार बल्य भ्रष्टाचार बल्यःगु वाःचाःपिं हाः हाः धकाः ततःसकं



हालेगु याइ । अथे हाली बल्य नं मिजंत जक हालेगु याइ । मिसापिं भूमीइ म्हाला पतिं नं क्वत्यलाः धरती मातया नां कयाचवनेगु याइ । थथे छाय् हालीगु धयागु बिषययात कयाः गनं नं थथे हे धकाः धयातःगु मदु । छाय् हालीगु धकाः न्यने बल्य नं अथे हाल धय्व भ्रष्टाचार बल्यःगु बिस्वू वनी धकाः धायगु बाहेक मेगु छुं धयातःगु मदुः । मिसापिं महासे म्हालापतिं छाय् म्वत्यलाः चवनी धयागु खँय नं



अथे यात धाय्व धरती थीर जुइ धायगु बाहेक मेगु धयातःगु मदु । अथे खःसां बांलाक बिचाः यानाः बिश्लेषण यानाः स्वयं बल्य भी पूर्खापिसं थथे हाः हाः हालेगुयात जीवननाप स्वाकाः न्ह्याकातःगु खने दु ।

भ्रष्टाचार बल्य छगू प्राकृतिक

धलिं तयाः दय्की । छैया तँ नं तजाः मयासे ५ बाय् ६ फुटतिया जक याइ । तँ नं अप्वः याःसा प्यतँत्याया मखुसा स्वतँत्याया जक याइ । अप्वः तजाः याइ धकाः उगु इलाकाय् च्वंगु छःछै बाय् देगःया गजूसिकं तजाः याय् मज्यू धकाः धर्म तकं न्ह्यचीकातइ ।

भ्रष्टाचार बल्य फःसा चकंगु थासय् बिस्वू वनेमाः मफुसा दथु अंगः पाखे च्वनेमाः धायगु याइ । थथे याय् बल्य छखेया द्या दुंसां मदुगु द्यापाखे वनाः बचय् जुइफइगु यक्व संभावना दइ ।

थःपिनिगु संरचनां थःपिं हे दुर्घटनाय् लाइ धकाः चिचिचा जाः यानाः छै दय्केगु याःसां, चकंगु थासय् बिस्वू वनेगु व दथु अंगलय् च्वनाः बचय् जुइगु याःसां भ्रष्टाचार बल्य धयागु गुलि, गुकथं व गबले बल्य धयागु यकिन याय् फइमखु । हानं भ्रष्टाचार बल्य सकसिनं वाः हे चाइ धयागु नं धाय् फइमखु । चानय् सकलें देनाचवनीगु इलय् लात धाय्वला भन यक्वसिनं मचाय् यः । थज्याःगु बखतय् भीसं दय्कातयागु संरचनां भ्रष्टाचार बल्यःगु थेगे याय् मफुत धाःसा तच्चःगु दुर्घटना जुइत नं बेर मदय्फु । थज्याःगु दुर्घटना पाखें फयां फक्व अप्वः बचय् जुइ फय्केत सकसिनं भ्रष्टाचार बल्यःगु वाः चाय्मा व सुरक्षित थासय् बिस्वू वने फय्मा धयागु हुनिं नायूगु सः दुपिं मिसापिं सिकं छाःगु सः दुपिं मिजंत भ्रष्टाचार बल्य, भ्रष्टा

बल्य हाः हाः धकाः हालीगु खः । मिसापिं म्हालापतिं भूमीइ क्वतेलाः धरतिया नां कयाचवनीगु धयागु नं इमिगु मनोभावना बल्लाकेत खः । मेमेगु पतिं सिकं म्हालापतिं अप्वः बल्लाइ । क्वत्यलाः संगु दिके फइगु ब्यबहारिक ज्ञानं लुमके. बियाः बल्लाःगु पतिं क्वत्यलाः भू खाःगु दिकेगु मनोभावनात्मक मनस्थितिं मन बल्लाकेत व ग्याःगु मचाय्केत मिसापिन्त भूमीइ म्हालापतिं नं क्वत्यलाः धरतिया नां काय्कातःगु खः ।

भ्रष्टाचार बल्य हाकाभाकाय् छक्वलं संकीगुलिं मनस्थिति थातय् लाके मफयाः न्ह्याम्हनं ग्याइगु स्वभाविक खः । ग्यात धाय्व मन हरबराय् चाइ । अथे जुइ बल्य काचाक्क छुं नं याय् मफय् यः । थज्याःगु अबस्थाय् हाले बल्य ग्याःगु छुं भचा सां क्वलाना वनेगु याः । अथे जुयाः ग्याइगु तंकेया लागि नं हाः हाः धकाः हालेगु यानातःगु खः ।

थौं कन्हय् न्हापा थें यानाः छै दय्केगु चलन मदय् धुंकल । सिं, चा, अपां दय्केगु पलेसा धलान यानाः देकेगु चलन वल । भ्रष्टाचार बल्यःसां छुं मजुइगु कथं भूकम्प प्रतिरोधक प्रविधि बिकास जुइ धुंकल । उकें भ्रष्टाचार बल्यःसां हाः हाः हालेगु चलन बुलुहुं तनावनाचवंगु दु ।

राम प्रजापति
प्रोप्राइटर

हारती मिठाई भण्डार
(३८८ झाकाहारी)

कान्तिमाटी चोक, टंकेस्वर मार्ग, काठमाडौं ।
फोन नं. : ०१-५३७२९९९, मो. ९८०३९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।

100% Vegetarian

Sweet Cave
Sweets - Namkeen - Fast Food

Sweet Cave
(जीवन दाईया पसः)

Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।
आउटडोर भेज क्याटरिङ पनि गरिन्छ ।

मास्टर जगतसुन्दर मल्लया १४१ दैँ बुदिं हन



नेपाल भाषाया प्यंगःथां मध्ये छः ख्वपया मास्टर जगतसुन्दर मल्लया १४१ दैँ बुदिं वंगु कार्तिक २५ गते शनिवाः यैया जगतसुन्दर

बुदिं हना ज्याइवल्य न्हूँ समारोह समिति ११४४ या नायः प्रा.डा. नरेशमान बज्राचार्यया मूपाहाकथं भाःगु खः। ब्वनेकुथिया न्वकु विष्णु चित्रकारया सभापतित्वय न्ह्याःगु उगु ज्याइवल्य मन्दः च्वज्या, च्वखँ च्वज्या व काई च्वज्याय ताःलाःपिन्त सिरपाः लःल्हायेगु ज्या नं जूगु खः।

ज्याइवल्य लोककवि राजभाइ जकःमिं लसकुस यानादीगु खःसा प्रा.डा. बज्राचार्य, मल्ल (प्रधानांग) प्रतिस्थानया नायः डा. माधव सुन्दर मल्ल, विष्णु चित्रकारपिन्सं मल्ल व स्वान्त नखःया बारे थःथःगु खँ प्वकादीगु खः।

याकः मिसायात भत्ताया व्यवस्था

बुंगद्यः जात्राय किपूलिसे स्वाःम्ह प्यंगःथांया याकः मिसायात गुथि संस्थानपाखें भत्ताया व्यवस्था याःगु दु।

थ्व खँ सार्वजनिक यायेत म्हिगः किपूलिइ याःगु ज्याइवल्य किपू नगरपालिकाया मेयर राजकुमार नकःमिं याकःमिसायात आः किपू नगरपालिकापाखें नं भत्ता बीगु घोषणा यानादीगु खः।

याकः मिसायात गुथि संस्थानं दरबन्दी कायम यानाः राष्ट्रिय मान्यता बीगु निर्णय सार्वजनिक यायेत किपूलिइ ज्याइवः याःगु खः। गुथि संस्थानं दरबन्दी कायम यासैं याकः मिसायात दैँ ५,५५५ तका भत्ता बीगु निर्णय याःगु खः। मेयर नकःमिं आः नगरपालिकापाखें बिस्कं भत्ता बीगु



नितिं याकनं हे नगरपालिकाया मुँज्या च्वनाः निर्णय यायेगु खँ कनादिल।

किपू नगरपालिकाया उपमेयर सुनिता शाक्य महर्जनं लसकुस यासैं न्ह्याःगु ज्याइवल्य गुथि संस्थानया प्रशासकीय प्रमुख किरण शाक्यं याकः मिसायात गुथि संस्थानं बीगु

भत्ता दैँ भिगू प्रतिशत थकायेगु खँ नं कनादिल। ज्याइवल्य याकः मिसाया दरबन्दी कायम यायेगु योगदान यानादीम्ह प्रशासकीय प्रमुख किरण शाक्य व ज्यापु समाज यलया नायः तीर्थ महर्जनयात सुभाय पौ नं लःल्हाःगु खः।

मचा साहित्यकार शान्तदास मन्त

नेपालभाषा नापं खस नेपाली भाषा मचा साहित्यया च्वमि शान्तदास मानन्धर मन्त। वयकः ९० दैँय यैया वयोधा अस्पतालय वासः यायगु इवल्य मदुगु खः। मदुम्ह मानन्धरं न्यागु दशक तक मचा साहित्यया विकास, विस्तार व प्रवर्धनय योगदान याना वयाच्चम्ह खः।

मदुम्ह मानन्धर बालकोशेली, बालपोष, मचाक्यबपत्रिकाया प्रकाशक व सम्पादक नं जुयादी।



नबिन मानन्धरया अबु मन्त

यैँ महानगरपालिकाया प्रवक्ता लिसैं १७ वडा अध्यक्ष नबिन मानन्धरया अबु भगवान मानन्धर मन्त।

वयकः ८० दैँय मधुमेह लिसैं थीथी ल्वया हुनिं थौं चान्हय ३ बजे मनमोहन अस्पतालय मदुगु खः। मदुम्ह मानन्धरया अन्तिम संस्कार यैया लुँतिइ याःगु खः। वयकःया छम्ह काय व स्वम्ह म्हायय व जहान दी। मदुम्ह मानन्धरप्रति थीथी



न्हूँदया सांस्कृतिक...

थज्याःगु अवस्थाय नेवाःतयसं न्हापानिसैं ज्याइवः यानावःगु थाय यदि स्थानीय सरकारं उपलब्ध मयाकूगु हे खःसा उकिया विरोध यायूमाःगु खः कि राज्यया न्ह्यःने ज्यू धन सरकार यायू थें पुलिं चुयाः थःगु भुमि त्वःताः वनेगु धकाः नं आम सर्वसाधारणं न्ह्यसः तयाच्चंगु दु।

यैँय न्हूँदया समारोह व च्यालीया व्यवस्थापन यानावःगु न्हूँद राष्ट्रिय समारोह समितिं खः। बसन्तपूरया दबुलिइ न्हूँद समारोह मयाःगु खँय समितिया आधिकारीक धारणा व स्पर्ष्टिकरण हुं सार्वजनिक मजुनि। लिसैं आम सर्वसाधारणपाखें गुलि नं गुनासो, जिज्ञासा आदि दनाच्चंगु दु, व हुं हे जिज्ञासा, गुनासोया लिसः बीगु समितिं आवश्यक मतायकूनि। थ्व दक्वं खँया नापं न्हूँद राष्ट्रिय समारोह समिति हे छम्ह व्यक्ति विशेष केन्द्रीत जूवन धइगु कुंखिना तकं वयाच्चंगु दु।

व्यक्ति विशेषया यःयःपिं छपुचःचा मनूत जक मुंकाः न्हूँद समारोहया नामय सरकारी बजेट नयगु ज्या जुयाच्चन धइगु खँ नं मवःगु मखु। थ्व हुं हे खँया लिसः बीगु, थज्याःगु विषययात स्पष्ट यायूगु अथवा असन्तुष्टियात सन्तुष्ट यायूगु ज्या समितिपाखें आवश्यक

तायकूगु खनेमदु। थुकियात न्हूँद राष्ट्रिय समारोह समितिया गैर जिम्मेवारी धायफइ। न्हूँद, नेपाल सम्बत सकल नेपाःमिपनिगु खः। सकल नेपाःमिलिसे स्वानाच्चंगु विषययात कयाः थः यत्थे यायूगु व आम नागरिकया खँयात बेवास्ता यायूगु ज्या दिकाः न्हूँद राष्ट्रिय समारोह समिति आम सर्वसाधारण प्रति जिम्मेवार जुयाः न्ह्याःवनेमाः।

‘हलिं नेवाः...

लिसे ज्याभ्वःया विशेष पाहाँ प्रा.डा.नरेशमान बज्राचार्य उगु ख्वापौ प्रकाशन जुगुलि लसता प्वकूसे नेवाः समाजय प्रचलित मौलिक शब्दत न छ्यलेत इनाप यानादीगु खः।

अथेहे नेवाः देयू दबूया नायः पवित्र बज्राचार्य, वर्ल्ड नेवाः अर्गनाइजेशनया केन्द्रीय सल्लाहकार रोजीना प्रधान राई, गुठी संस्थानया प्रशासक प्रमुख किरण शाक्य, नेवाः पत्रकार राष्ट्रिय दबूया नायः नृपेन्द्रलाल श्रेष्ठपिन्स ‘हलिं नेवाः पौ’ प्रकाशन जुगुलि लसता प्वकादीगु खः। नेपाः च्याप्टरया न्वकू रमेशमान मुनिकारं लसकुस यानादीगु उगु ज्याभ्वल्य नेपाः च्याप्टरया न्वकू श्यामप्रसाद श्रेष्ठ सुभाय देछानादीगु खः। ज्याभ्वः मंगल ताम्राकारं न्ह्याकादीगु खः।

हार्दिक श्रद्धाञ्जली



बुदिं

वि.सं. १९९२/७/१३



मदुम्ह नीलकण्ठमान सिं सुवाल



मदुगु दिं

वि.सं. २०८०/०८/०१

थुगु पचली भैरव भजन संचालन समाजया

आजीवन दुजः नीलकण्ठमान सिं सुवालया

थ्व हे २०८०/०८/०१ गते आकाभाकां मदुगुलिं

मदुम्हिसिया आत्माया चीर शान्तिया कामना यासैं श्रद्धाया स्वां देछाना।

दुःखंकःपिं सकल छँजःपिसं धैर्य धारण यायू फयमा धकाः

बिचाः हायका च्वना।

पचली भैरव भजन संचालन समाज

पचली, का.म.पा.-१२ वडा।

हरेक मंगलवार

राष्ट्रियताको लागि समर्पित



मेरो साप्ताहिक

मचा साप्ताहिक Mero Saptahik

मालाः मालाः ब्वनादिसैं।

नेपाल संवतयात राष्ट्रिय संवत् कथं हनेमाः - विनोद ताम्रकार

नेपाल संवतयात राष्ट्रिय संवत् कथं हनिइगु निरिंत यल महानगरपालिकां कुतः यायमाः धका ताम्रकार समाजया अध्यक्ष विनोद ताम्रकारं धयादीगु दु। नेपाल संवत् ११४४ न्हूदँया लसताय् जुगु श्री उग्रचण्डीमाई ताम्रकार समाजया भवनय् जुगु ज्याइवल्य वय्कलं अथे धयादीगु खः।

‘संघीय सरकारं नेपाल संवतयात सरकारी माईन्युट व दस्तावेजय् अनिवार्य छ्यलेगु निर्णय याय् धुका, वाग्मती प्रदेशं नेपालभाषा व तामाड भाषायात न सरकारी कामकाजी भाषा



दयकेगु विधेयक पारित याय् धुकुगु स्थितिइ स्थानीय तह न हे न्ह्याचिलां नेपाल संवत् हनिइगु उपयुक्त जुइ।’ धका वय्कलं धयादीगु खः।

यल महानगरया मेयर चिरीबाबु महर्जन, बाग्मती प्रदेशया उद्योग वाणिज्य,

भूमी लिसे सामान्य प्रशासन मन्त्री रामकृष्ण चित्रकार, यलया क्षेत्र नं २ या सांसद् प्रेम महर्जन, नेवाः देय् दबूका केन्द्रीय अध्यक्ष पवित्र बज्राचार्य, यलया प्रमुख जिल्ला अधिकारी रुद्रप्रसाद पण्डित, नेपाल भाषा मंका खलः यलया अध्यक्ष हिराकाजी महर्जन, न्हूदँ राष्ट्रिय समारोह समिति ११४४या नाय प्रा.डा. नरेशमान बज्राचार्य, नेवाः पत्रकार राष्ट्रिय दबूया नायः नृपेन्द्रलाल श्रेष्ठ, हलिं नेवाः दबू नेपाः च्याटरया नायः सुरेन्द्र भक्त श्रेष्ठ लगायतपिनिगु ब्बति दुगु खः।

यलय् कथिन चीवर दान ज्याभ्वः क्वचाल



मंगलमार्ग अन्तर्राष्ट्रिय बौद्ध ध्यान केन्द्र देशय् शान्ति, मैत्री व समृद्धिया कामना यासे यलया नख्खुइ

भिक्षुसंघयात कथिन चीवर दान याःगु दु। केन्द्रया जग्गा दाता दशलाल डंगोल व वय्कःया जहान राममाया

डंगोल नापं केन्द्रया अध्यक्ष रामकाजी अवाले व वय्कःया जहान पूर्णलक्ष्मी अवालेपिन्सं उगु दान ज्याभ्वः यानादीगु खः। उगु ज्याइवल्य भिक्षु भिक्षुणी व सच्छिहं मल्याक उपासकउपासिका तय्गु उपस्थितिइ शीलप्रार्थना, बुद्धपुजा, प्रवचन व दानप्रदान ज्याइवः जुगु खः। वया लिपा मू दाताया परिवारं भिक्षुसंघयात चीवरदान याःगु खः। दान बिउगु चीवरयात बुद्धमूर्ति खटय् तथा दाता परिवारया निवास नख्खुं परम्परागत बाजं नापं व उपासकउपासिका तय्सं केन्द्रया जःखः चाःहिउगु खः।

नयाल संवत् ११७७ न्हूदँया सिंनुना

नेपाल संवत् ११४४ न्हूदँ वय्गु लसताय् सकल नेपाःमिपिनिगु सुख, शान्ति व मिं उसाँय्या कामना यानाच्चना।



बालकृष्ण महर्जन, अध्यक्ष
किपू बचत तथा ऋण
सहकारी संस्था लि.
समल, किपू-३।

नयाल संवत् ११७७ न्हूदँया सिंनुना

नेपाल संवत् ११४४ न्हूदँ वय्गु लसताय् सकल नेपाःमिपिनिगु सुख, शान्ति व मिं उसाँय्या कामना यानाच्चना।

महेन्द्र महर्जन, प्रोप्राइटर
एम.आर. टेलरिङ्ग
नयाँबजार, किपू।

भूकम्पबाट हुने क्षतिप्रति सचेत रहौं

भूकम्पलेः

- घर, पुल तथा अन्य संरचना भत्कन सक्दछ।
- विद्युत तथा टेलिफोन सेवा अवरोध हुन सक्दछ।
- बाढी, पहिरो तथा आगलागीको जोखिम भई जनधनको क्षति हुन सक्दछ।

त्यसैले,

- घर, पुल तथा अन्य संरचना बनाउँदा भूकम्प प्रतिरोधी बनाऔं।
- घर वरिपरी तथा सार्वजनिक स्थललाई खुल्ला राखौं।
- भूकम्प गएमा खुल्ला र सुरक्षित स्थानमा जाऔं।



नेपाल सरकार
विज्ञापन बोर्ड

अब घरमै वसी वसी
नेपाल टेलिकम्पानो
NT Fiber (FTTH)
घाटौलमा अवस्थित टेलिफोन सेन्टरबाट
टेलिभिजन सेवाको
जडान तथा मर्मत गर्नु।

198
मा फोन गरी
प्राप्त सन्देशपछि 1 शिफ्टमा
(सोमवारबाट शनिबार सम्म)

FIBER

छत्रपाटी निःशुल्क चिकित्सालय (अस्पताल)
‘स्तरिय शूलभ स्वास्थ्य सेवा सकसिया निरिति, असहायया निरिति जक निःशुल्क’

उपलब्ध सेवा

२४सै घण्टा सेवा	शल्यक्रिया	बहिरङ्ग सेवा	मेमेगु सेवा
● इमरजेन्सी	● मोरिबिन्	● मुटु रोग	● ट्रेसिङ
● प्याथोलोजी	● अरन सरेरी	● पीट रोग	● इण्डोस्कोपी
● एक्स रे	● सक् कस घाँटी समानि	● पुरालोजी	● कोलोनोस्कोपी
● ई.सी.जी	● दाहशेरी तथा नशा समानि	● स्की रोग	● फिजियोथेरापी
● औषधि पसल	● जिना चिकित्सा पिलाज नतीको फनर समानि	● बाल रोग	● अन्दासाय्ठ, कनर टनर र इको
● अन्तरंग सेवा		● कथान्तर रोग	● पुरोकेली सरको वन इयोगशाला
		● वन रोग	● टि.एम.टि. इन्टर
		● जन्धा रोग	
		● जनरल मेडिसिन	
		● चर्म तथा शीम रोग	
		● नाक कान घाँटी रोग	
		● जनरल हेल्थ चेक अप	
		● पाइरोइड	
		● मधुमेह	

२४ घण्टा
इमरजेन्सी सेवा

७०८ गंगालाल मार्ग, छत्रपाटी, काठमाडौं, फोनः ४२९६९३८, ४२५७९९९, ४२६६२२९